

## Evening Gojri News Bulletin

27 July 2025

1700 Hrs

ایویننگ گو جری نیوز بلیٹن مورخہ 27 جو لائی 2025

\*\*\*\*\*

یوہ آکا شوانی جموں ہے محمد اکرم چودھری عبد المجیدتیں خبر سُنو۔ پہلاں خاص خاص خبر۔

\*\*\*\*\*

1★ وزیر اعظم نریندرمو دی نے فخر غو اظہار کرتاں واں کہیو ہے جے 21 ویں صدی غا بھارت مانہ سائینس قابلِ تجدید توانائی نال ترقی کر رہی ہے۔

2★ آکاشوانی وراپنا من کی بات پروگرام مانہ وزیر اعظم مودی نے کہیو ہے جے 2047 مانہ وکست بھارت غو رستو خود انحصاری تیں بو غے گزرے، اُنہاں نے لوکاں نانہ بھارت مانہ بنی چیز خریدن تے بیچن غی اپیل کی ہے۔

3★ وزیر اعظم نے شہریاں نانہ کہیو ہے جے وے صدیاں پُرانی مخطوطات نانہ محفوظ رکھیں جن مانہ بکھ بکھ شعباں مانہ غیر معمولی معلومات موجو دیں۔

4★ گوگل گا سینئر ایگزیکٹوز غی اک ٹیم نے وزیر اعلیٰ عمر عبداللہ نال ملاقات کر غے مصنوعی ذہانت غے ذریعے جموں کشمیر مانہ ڈیجیٹل تبدیلی مانہ تعاون غی پیشکش کی ہے۔

5★ چیف سیکریٹری اتل دلو نے جموں کشمیر مانہ پی ایم سوریا گھر مُفت بجلی یوجنا غا نفاذ غی صورتحال غو جائزو لیو ہے۔

\*\*\*\*\*

خبران غی تفصیل نال پہلاں محمد اکرم چودھری -

MK- MKB

وزیر اعظم نریندرمو دی نے آج فخر غو اظہار کیو ہے کہ 21 ویں صدی غا بھارت مانہ سائینس نویں طاقت نال ترقی کر رہی ہے۔ آکاشوانی ور من کی بات پروگرام مانہ قوم نال خطاب کرتاں واں جناب موسی نے بھارتی فضائیہ گا گروپ کیپٹن سو بھان شو شکلا غی خلائ توں واپسی غا با رہ مانہ گل کی۔ اُنہاں نے کہیو کہ جد بھارتی خلائ باز بحفاظت زمین ور اُتریو تاں پورا مُلک مانہ فخر غی لہر دوڑ گئی۔ اُنہاں نے کہیو کہ بچاں نے سائینس اور خلائ غا با رہ مانہ تجسس ظاہر کرنو شروع کر دتو ہے۔ اور اِس نال اُن مانہ سائینسدان بنن غی خواہش پیدا وے گی۔۔۔ بائٹ۔۔ وزیر اعظم نریندرمو دی نے کہیو کہ اگست انقلاب غو مہینو ہے جہیڑو 18 سالہ آزادی پسند کھو دی رام بو س غی بمت نانہ اُجاگر کرے۔ اُنہاں نے کہیو کہ جد آزادی پسند 18 اگست 1908 نانہ پھانسی گھاٹ آلا پاسے آگے بدھیا تاں اُن غا چہراں ور مسکراہٹ تھی۔ جد کہ مظفرپور بہار ر غا لوکاں غی انکھاں مانہ آتھرو تھا۔ جہیڑا جیل غے آسے پاسے اکھٹا ہوا وا تھا۔ جت نوجوان محب وطن اپنی حب الوطنی غی قیمت چکا ربیو تھو۔۔ بائٹ۔۔ وزیر اعظم نے کہیو کہ 3 ہزار تیں زیا دہ کپڑہ غا کاروبار بھارت مانہ اِس ویلے متحرک ہیں۔ جن مانہ بہت سارا عالمی سطح ور بھارت غی ہتھ کھڈی شناخت نانہ فروغ دے رہیا ہیں۔ جناب مو دی نے کہیو کہ 2047 مانہ اک ترقی یافتہ بھارت غو رستو خود انحصاری تیں بو غے گزرے اور اتم نربہر بھارت غی بنیا د اپنا مُلک مانہ بنی چیزاں گا استعمال نانہ ترجیح دین مانہ ہی ہے۔۔۔ بائٹ۔۔ وزیر اعظم نے تامل ناڈو غا تھنجور توں تعلق رکھن آلامنی مرن غی مچال دتی جس نے تامل کھجور غا پتاں غا مخطوطات پڑنیو سکھان واسطے شام غی کلاساں غی شروعات کی ہے۔ منی مرن لوکاں نانہ تامل سو دیال جہیڑی پام لیف مخطوطات ہیں نانہ پڑھن تے سمجھن غو طریقو سکھاویں۔ اُنہاں نے اِس گل ور زور دتو کہ مُلک پھر مانہ اِس طرح غی کوشش قدیم علم نانہ نویں نسل غا شعور حصو بنا سکیں۔ اس طرح غی کوششاں توں

متاثر ہو گئے حکومت نے اس سال گا بچٹ مانہہ اک تاریخی پہل کی ہے جس کو  
نام گیان بھارتم مشن ہے ۔

-----

#### Programme MKB Announcement

آکاشوانی جموں گو علاقائی خیراں گو شعبو وزیر اعظم نریندرمو دی گا " من کی  
بات " پروگرام غی 124 ویں قسط ور 30 منٹ دورانہہ گو اک خصوصی مباحثو  
منعقد کرے گو ۔ خصوصی نشریات اج اتاریں رات ساڈھے 10 بجے نشر کی جائے  
گی۔ اس خصوصی گل بات معروف تے سٹینر صحافی پردیپ دتا مہارا میزبان ویں  
گا ۔ تے وے وزیر اعظم گا اس پروگرام مانہہ ذکر کیا واہ موضوعات ور اپنا ماہرانہ  
خیالات سانجھا کریں گا ۔ اس مباحثہ غی میزبانی مہارا اینکر وجے بجاج کریں گا ۔  
اس قسم غی مزید معلوماتی نشریات واسطے آکاشوانی نیوز جموں 990 کلو  
ہرٹز، ایف ایم 100.3 تے 104.5 میگا ہرٹز سنتا رہیو۔

-----

مزید خیراں نال عبدالمجید۔ ور اس تیں پہلاں یوہ پیغام۔ (یہ خبر تم آکاشوانی  
جموں تیں سن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان  
ور وی دستیاب ہیں، اس تیں یہ خبر مہاری مو با ٹل ایپ تے ڈی ٹی ایچ ور وی  
(دستیاب ہیں)

#### Health Minister Aprons

وزیر سحت سکینہ اتو غی ہدایت ور عمل کرتاں واں محکمہ صحت تے طبی  
تعلیم نے صحت غی دیکھ بھال کرن آلا اداراں مانہہ ڈاکٹراں تے پیرا میڈیکل عملہ  
واسطے یوہ لازمی قرار دتو ہے جے وے کم کرتے ویلے سفید اپرین پا غے تے اپنا  
مکمل ناں تے عہدہ نانہہ واضع کرن آلی نیم پلیٹ وی لا غے رکھیں۔ اس بارے جا  
ری حکم نامہ مانہہ قومی صحت مشن این ایچ ایم تے آیوش غے تحت ڈاکٹروں  
شامل ہیں ۔ اداراں گا سربراہان ، میڈیکل سپرٹینڈنٹ تے چیف میڈیکل افسراں نانہہ  
سختی نال اس حکم نامہ غی تعمیل کرن غی ہدایت کی گئی ہیں ۔ یوہ فیصلو

عملہ غی وردی تے شناختی اصولاں ور عمل نہ کرن غا پس منظر مانہہ لیو گیو ہے ۔  
اس با رے وزیر صحت سکینہ اتو غو کہنو تھو ۔۔ با ٹ۔۔

-----

### BSF Cycle Rally

سرحدی حفاظتی فوج بی ایس ایف نے صحت مند طرز زندگی تے تندرستی  
نانہہ فروغ دین غی خاطر کھیلو انڈیا تے فٹ انڈیا مہم غے تحت پلوڑہ مانہہ اپنا  
جموں صدر دفتر مانہہ اک سائیکل ریلی غو انعقاد کیو۔ اس موقع ور ڈی آئی جی  
سنجے کمار نے خطاب کرتاں واں تمام لوکاں نانہہ کہیو جے وے کھیڈاں مانہہ  
حصو لیں تے وے کھیڈ کھیڈیں جن مانہہ ان غی دلچسپی بووے۔ انہاں نے مزید  
کہیو جے با قاعدہ جسمانی سرگرمیں جسم نانہہ تندرست رکھن ، دماغ نانہہ صحت  
مند رکھن تے مثبت سوچ نانہہ فروغ دین مانہہ مدد کریں۔ اس با رے ان غو کہنو تھو  
۔۔ باٹ۔۔

-----

### CM Google

گوگل غا سینئر ایگزیکٹوز غی اک اہم ٹیم نے وزیر اعلیٰ عمر عبداللہ سنگ ملاقات  
کر غے مصنوعی ذہانت غے ذریعے جموں کشمیر غی ڈیجیٹل تبدیلی مانہہ تعاون  
غی پیشکش کی ہے ۔ ٹیم نے تعلیم، صحت ، سیاحت، سٹارٹ اپس تے ہنر غی ترقی  
مانہہ تعاون کرن مانہہ دلچسپی ظاہر کی۔ انہاں نے شہری خدمات خاص طور ور  
صحت تے تعلیم مانہہ تبدیلی واسطے مصنوعی ذہانت غی صلاحیت ور زور دتو ٹیم  
نے مقامی اسٹارٹ اپس مانہہ مصنوعی ذہانت پلیٹ فارم تک رسائی فراہم کرن غی  
تجویز وی پیش کی۔ جس نال خطہ غا نوجواناں نانہہ جدید حل تیا رکن تے جموں  
کشمیر غے اندر تے اس تیں باہر استعمال واسطے جدید ٹیکنالوجی با رے جانکا ری  
حاصل کرن غے قابل بنایو جا ئے۔

-----

### CS Surya Ghar

چیف سیکریٹری اتل دلو نے جموں کشمیر مانہ پی ایم سو ریا گھر مفت بجلی یو جنا غا نفاذ غی صورتحال غا جائزہ غی کا طر اِک اعلیٰ سطحی میٹنگ غی صدارت کی ۔ میٹنگ مانہ صاف توانائی نانہ فروغ دین تے گھراں واسطے بجلی غا اخراجات کہٹ کرن غی خاطر فلیگ شپ اسکیم غے تحت چھت ور شمسی تنصیبات غی پیش رفت ور تفصیلی غو ر و خوض کیو گیو ۔ موجودہ عمل درآمد غو جائزولیتاں واں چیف سیکریٹری نے تنصیبات کرن مانہ سست رفتاری ور تشویش غو اظہا رکیو تے زمینی سطح ور کوششاں نانہ فوری طور ور تیز کرن ور زور دتو۔ انہاں نے کہیو جے نصب شدہ یونٹس نانہ چالو کرن مانہ تا خیر اس اسکیم غا مقصد نانہ ناکام بناوے۔

-----

#### ARTO Reasi

شری ماتا ویشنو دیوی، شیو کھوڑی تے امرناتھ جی غی یا ترا ور آن آلا عقیدت منداں غی سہولت واسطے اے آر ٹی او ریا سی نے پورا ضلع مانہ اہم اقدامات غا نفاذ نانہ تیز کر دتو ہے۔ یا تریں تے سیلانی عام طور ور جھپڑا رستاں غے ذریعے ان مقامات ور پُجیں اُن ور اچانک معائینو تے ناکا چیک پوائنٹ فعال کیا گیا ہیں ۔ ان غو مقصد اس گل نانہ یقینی بنانو ہے جے حکومت غی طرفوں منظور شدہ گڈیاں لا ریاں واسطے کرایا غا ڈھانچہ ور سختی نال عمل کیو جائے تے مسافراں نانہ محفوظ ، قابلِ اعتماد خدمات فراہم کی جائیں۔

-----

-----

#### Travel Ratna Award

وزیر اعلیٰ غا صلاح کار ناصرا سلم وانی تے گلمرگ تیں ممبر قانون ساز اسمبلی فاروق شاہ نے نوی دہلی مانہ دسویں انٹرنیشنل ٹوریزم کنکلیو اینڈ ٹریلو ایوارڈ (آئی ٹی سی ٹی اے) 2025 مانہ وزیر اعلیٰ غی جگہ ٹریول رتن ایوارڈ حاصل کیو ۔ وزیر اعلیٰ عمر عبداللہ نے جموں کشمیر غا محکمہ سیاحت نانہ اس اعتراف تے سیاحت نانہ فروغ دین غی کوششاں واسطے مبارکباد پیش کی ہے ۔

-----

اس غے نال ہی خبراں غو یوہ بلیٹن ختم ہوؤ۔